

三經同卷

佛說大三摩惹經

佛說月光菩薩經

佛說普賢曼拏羅經

盡十

佛說大三摩惹經

盡十

宋西天三藏朝散大夫試鴻臚卿明教大師法天奉詔譯

如是我聞一時佛在迦毗羅林與大苾芻衆
皆阿羅漢諸漏已盡所作已辦逮得已利盡
諸有結心得自在如是五千五百人俱爾時

十方復有釋梵大威德諸天與諸眷屬恭敬
圍繞身色端嚴光明照耀來迦毗羅林詣世
尊前頭面禮足住立一面時四大梵王各以
伽陀而頌佛德

第一梵王而說頌曰

此大三摩惹 宣揚妙法音 我佛無能勝
天人普來集

第二梵王而說頌曰

歷大僧祇劫 修行深信心 守護眼等根
不憚諸塵境

第三梵王而說頌曰

戒定慧真實 清淨無垢染 如帝釋金剛

堅固不可壞

第四梵王而說頌曰

若人歸依佛 永不墮惡道 彼人命終時

速得生天上

爾時世尊以淨天眼普觀大會人天之衆無量無數告苾芻衆言過去如來應正等覺集會人天而爲說法亦復如是。我於今日普集人天欲爲說法汝等受持若人勇猛決定無

畏猶如師子深信堅固而無所著大地山間乃至梵世皆得涅槃。說是法時復有一千七百有學天人及無數諸天光明照耀來詣佛所。佛告苾芻汝等諦聽我觀彼等諸來天衆應以聲聞所樂之法而可度之。爾時復有七千大藥叉具大神通威德光明照耀與諸眷屬恭敬圍繞來迦毗羅林。復有六千大藥叉住金山上具大神通威德光明照耀與諸眷屬恭敬圍繞來迦毗羅林。復有三千大藥叉住娑多山具大神通威德光明照耀與諸眷

屬恭敬圍繞來迦毗羅林復有供毗羅等百
千藥又住王舍城尾布羅山具大神通威德
光明照耀與諸眷屬恭敬圍繞來迦毗羅林
復有濕縛彌怛囉半左始尾濕縛彌縛等藥
又大將具大神通威德光明照耀與諸眷屬
來迦毗羅林復有東方護世天王乾闥婆主
名地里多囉瑟姹囉具大神通無量威德身
色妙好光明熾盛與其眷屬恭敬圍繞來迦
毗羅林集會聽法南方護世天王鳩槃荼主
名尾嚕茶迦具大神通無量威德身色妙好

光明熾盛與其眷屬恭敬圍繞來迦毗羅林
集會聽法西方護世天王是大龍主名尾嚕
博又具大神通無量威德身色妙好光明熾
盛與其眷屬恭敬圍繞來迦毗羅林集會聽
法北方護世天王大藥又主名俱吠囉具大
神通無量威德身色妙好光明熾盛與其眷
屬恭敬圍繞來迦毗羅林集會聽法復有四
大天王侍從鬼神所謂摩野迦致尾枳致跋
里虞跋里俱致等皆有神通勢力我慢無明
形貌麤惡種種變化與其眷屬恭敬圍繞來

迦毗羅林集會聽法復有藥叉神將所謂印
捺羅謨縛魯拏鉢囉惹鉢帝婆羅捺縛惹伊
舍曩贊難曩迦麼悉里瑟吒俱你建吒你建
吒滂尼摩尼摩尼左囉鉢囉拏那烏波半左
迦婆多礙里海摩縛多布囉拏佉祢囉俱尾
吒虞波羅藥叉阿吒縛俱曩囉囉惹吟曩里
沙婆呬怛囉細曩獻馱里縛祢里伽設帝摩
多隸半左羅獻拏鉢謨摩曩彌怛具并其眷
屬怛里頗梨怛里建吒計乃至世間行者俱
有神通威德光明照耀恭敬圍繞來迦毗羅

林集會聽法復有諸大毒龍所謂怛叉迦劒
末羅濕縛多魯鉢囉鉢多鉢囉惹虞莎虞曩
娑賀掃那娑俱地里多囉瑟吒囉俱祖囉愛
囉縛尼龍等瞋恚暴惡有大神通威德光明
熾盛與諸眷屬恭敬圍繞來迦毗羅林集會
聽法復有金翅鳥名曰無畏與其飛禽清淨
眼等并諸眷屬亦具神通威德光明照耀恭
敬圍繞來迦毗羅林集會聽法復有無能勝
金剛手海內住者一切怖畏藥叉并其眷屬
皆具神通威德光明照耀恭敬圍繞來迦毗

羅林集會聽法復有阿脩羅衆所謂尾麼唧
怛囉鉢唧怛囉鉢囉賀那母唧隸及一百末
隸阿脩羅子并諸眷屬具大神通無量威德
光明照耀恭敬圍繞來迦毗羅林集會聽法
復有四大王天忉利天夜摩天兜率陀天化
樂天他化自在天及諸天衆皆具神通威德
光明照耀恭敬圍繞來迦毗羅林集會聽法
復有名天所謂縛嚕拏天縛嚕尼天鉢摩天
畢里瑟吒天阿誡摩天蜜怛囉縛嚕尼天地
天水天火天風天如是十天具大威德神通

變現并其眷屬光明照耀恭敬圍繞來迦毗
羅林集會聽法復有那羅延天娑賀梨左天
日天月天星宿天帝釋天莫伽天一切最尊
賢聖天并其眷屬天等如是十天具大神通
無量威德光明照耀恭敬圍繞來迦毗羅林
集會聽法復有諸天女等所謂娑呬迦天女
如火焰天女阿里瑟吒天女鉢摩天女烏多
摩天女補瑟波縛悉你天女左囉迦天女鉢
跋捺囉天女羯叉阿左喻多天女鉢囉捺喻
麼曩天女莎你迦等無數天女并諸眷屬具

大神通無量威德身相端嚴光明照耀恭敬
圍繞來迦毗羅林集會聽法復有大藥叉女
所謂舍摩藥叉女摩賀舍摩藥叉女摩耨沙
藥叉女摩耨敷恒摩藥叉女訖里拏藥叉女
鉢囉謨沙藥叉女摩曩鉢囉努沙迦藥叉女
末羅賀藥叉女摩賀末羅藥叉女^{並十}苾芻牟尼
迦藥叉女如是十大藥叉女亦具神通威德
光明照耀與諸眷屬恭敬圍繞來迦毗羅林
集會聽法復有十大藥叉女所謂輸訖羅藥
叉女羯拏末羅藥叉女迦嚕拏藥叉女你羅

迦縛悉你藥叉女阿縛那多計舍藥叉女鉢
囉目契閉多迦縛悉泥藥叉女娑那摩多藥
叉女賀里帝藥叉女嚕呬迦藥叉女如是藥
叉女等亦具神通威德光明照耀與諸眷屬
恭敬圍繞來迦毗羅林集會聽法復有賀里
帝及童男童女眷屬亦具威德神通光明照
耀與諸眷屬恭敬圍繞來迦毗羅林集會聽
法如是十方梵王帝釋天人八部諸大苾芻
無量無數皆來集會爾時會中有大黑神名
祖蹲那具大神通勇猛暴惡惱害人天障修

善事以手拍地發大惡聲於虛空中化大風
雲雷電閃種種惡相衆皆驚怖佛即觀察
說聲聞法魔既聞已歸依息惡與諸苾芻同
住聲聞乘是時衆會見佛降魔踊躍歡喜信
受奉行

佛說大三摩惹經

永樂北藏

佛說月光菩薩經

佛說月光菩薩經

宋西天三藏朝散大夫試鴻臚卿明教大師法天奉詔譯

如是我聞一時佛在王舍城竹林精舍與大
苾芻衆而爲說法時舍利弗大目乾連前詣
佛所五體投地禮佛足已白佛言世尊我等
今者不忍見佛入於圓寂而於此時先入滅
度爾時衆中有一苾芻合掌向佛而作是言
世尊舍利弗大目乾連有何因緣今於佛前
先欲入滅唯願世尊爲解衆疑爾時世尊告
苾芻言汝今諦聽吾爲汝說舍利弗大目乾

第六八冊